

A mittit uenerabili Petro episcopo Straguriensi, cum potestate subdelegandi, & alijs clausulis in forma debita & consueta, supplens quoque eadem synodus omnem solennitatis defectum, si quis forsan fuerit in præmissis. Lectis autem his, reuerendissimi mus dominus Ioannes episcopus Ostiensis cardinalis Viuarieni. iuxta consensum & uoluntatem omnium nationum, & alijs propter discordiam nationum quo ad ordinem, respondit pro uice præsentis per uerbum, placet.

SESSIO VIGESIMANONA.

A NNO & indictione quibus supra, die uero lunæ octaua mensis Martij, fuit celebrata sessio generalis in ecclesia Constantiensis, pro accusatione contumaciæ domini Petri de Luna, Benedicti decimitertij in sua obedientia nuncupati, in qua reuerendus pater dominus Nicolaus episcopus Aquensis, missam de spiritu sancto celebravit, & reuerendissimus pater dominus Ioannes episcopus Ostiensis sanctæ Romanæ ecclesiæ cardinalis & uicecancellarius præfedit. Letanijs autem alijsq; orationibus cum euangelio, Dixit Iesus Petro, Si peccauerit in fratre tuo, &c. completis, fuit seruatus iste ordo. Primo fuit lecta per dominum Stephanum episcopum Doleñ. schedula, cuius tenor sequitur in hunc modum:

¶ Deputatio procuratorum & notariorum
in causa contra Petrum de Luna.

Sacrosancta generalis Constantiensis synodus constituit & deputat dilectos ecclesiæ filios, magistros Ioannem de Scribanis, & Henricum de Piro, & eorum quemlibet in solidum, ita quod non sit melior conditio occupantis, promotoris, persecutoris & ministris causa & processus inquisitionis contra dominum Benedictum decimum tertium a sibi obedientibus nominatum, & insuper omnes & singulos sedis apostolicæ, & alios nationum in eadem sancta synodo existentium notarios, & eorum quemlibet in solidum, notarios atque scribas in causa & processu prædictis. Qualescunque & dominus cardinalis præfeditus respondit pro toto concilio, placet. Quo facto, ad uocatus consistorialis instantibus dominis persecutoribus & ministris, proposuit decretum citationis per edictum, & illius executionem ad diem centesimum, qui illa die incidebat, & produxit bullam decreti citationis & instrumentum executionis, asserens signa notariorum in instrumento posita, esse signa illorum quorum esse inserta buntur in illis. Et accusauit contumaciæ dicti domini Petri, & petijt illum alta uoce uocari ad ualua ecclesiæ, & ad hoc deputari duos ultimos cardinales diaconos, uide licet de comitibus & Florentinum, duos sedis apostolicæ & alios concilij notarios, & respondit præfeditus pro toto concilio, placet. Tunc dicti cardinales & notarij iuerunt ad ualua ecclesiæ, & reuersi retulerunt per cardinalem Florentinum, illum uocasse trina uoce alta uoce, & neminem comparuisse. Et ad uocatus consistorialis facta relatione, petiuit iterum dominum Petrum reputari contumacem. Tunc cardinalis præfeditus, mandauit legi per episcopum Doleñ schedulam infra scripti tenoris:

¶ Ordinatio lecta super contumaciâ domini Petri de Luna.

Hæc sacrosancta synodus præmissa, propoſita & petita per aduocatum consistorialem, admittit, si & in quantum sint admittenda de iure, & mandat notarijs eiusdem synodi & causæ præfentis, propoſita, petita & producta huiusmodi, atque uocationem & relationem præmissas. Et quod idem dominus Benedictus sic uocatus & sufficienter expectatus, minime comparuit, nec comparet, redigi inter acta. Et de præmissis fieri publica instrumenta, quotquot fuerint opportuna, ut eadem synodus super præmissis deliberet, iudicet & decernat, prout de iure fuerit faciendum, quam

h h h iij deli